

2016

# ბიბლიოთეკის ანგარიში

ილიას სახელმწიფო უნივერსიტეტი

12/15/2016



წარმოდგენთ, ილიას სახელმწიფო უნივერსიტეტის  
ბიბლიოთეკის 2016 წლის მანძილზე განხორციელებული  
საქმიანობის ანგარიშს.

შენიშვნა: ანგარიშში არ არის შესული მიმდინარე წლის, დეკემბრის თვის მეორე  
ნახევრის მონაცემები.

## 1. მომსახურების განყოფილება

- I. ბიბლიოთეკის სერვისებზე მკითხველთა მოთხოვნა
- II. ბიბლიოთეკის დარბაზები
- III. ღონისძიებები
- IV. პროფესიული განვითარება
- V. შიდა პროექტები
- VI. ცირკულაციის პროცესების ავტომატიზაცია
- VII. ასლგადამღები პუნქტების ხარჯთაღრიცხვა

### I. ბიბლიოთეკის სერვისებზე მკითხველთა მოთხოვნა

2016 წლის 4 იანვრიდან 12 დეკემბრის ჩათვლით, ილია სახელმწიფო უნივერსიტეტის ბიბლიოთეკის სხვადასხვა სერვისზე (ელექტრონული შეკვეთა; ბიბლიოთეკათშორისი შეკვეთა; შეეკითხე ბიბლიოთეკარს და სხვ.) მონაცემთა შეგროვება მიზნად ისახავდა, მკითხველის მიერ მათზე მოთხოვნის რაოდენობისა და დღეებს და აქტიურად მოთხოვნილი ლიტერატურის განსაზღვრას.

#### წიგნის ელექტრონული შეკვეთა

ელექტრონული შეკვეთის სერვისზე წარმოდგენილი მონაცემი ეყრდნობა მკითხველის მიერ ელექტრონულად შევსებულ ფორმას, რომელიც აისახება ელექტრონულ ბაზის შემდეგი მონაცემებში: მკითხველის სახელი და გვარი, სტატუსი ელ. ფოსტა, ტელეფონი, წიგნის ავტორი, სათაური, შეკვეთის ადგილი (დარბაზი, საიდანაც სურს მკითხველს წიგნის გატანა).

აღნიშნულ პერიოდში ელექტრონულ შეკვეთაში შემოსულია 2880 მოთხოვნა.

2880 ელექტრონულად შემოსული შეკვეთიდან:

- ✓ 387 გაკეთებულია უნივერსიტეტის აკადემიური პერსონალისა და თანამშრომლის მიერ.

- ✓ 2432 - სტუდენტის მიერ
- ✓ 61 - გარეშე პირის მიერ.

სერვისის შესახებ დეტალური ინფორმაცია [იხ. აქ](#)

### **ბიბლიოთეკათმორისი სერვისი**

ზემოთ აღნიშნულ პერიოდში ბიბლიოთეკათმორისი სერვისის ფარგლებში შემოსულია 389 შეკვეთა, აქედან, 330 დასახელების ეგზემპლარი მოტანილია მკითხველისთვის.

სერვისის შესახებ დეტალური ინფორმაცია [იხ. აქ](#)

### **შეკითხე ბიბლიოთეკარს - [librarian@iliauni.edu.ge](mailto:librarian@iliauni.edu.ge)**

“შეკითხე ბიბლიოთეკარს“ სერვისის ფარგლებში შემოსულია 1547 შემდეგი კატეგორიის წერილი: ლიტერატურაზე მოთხოვნა, გატანილ წიგნზე ვადის გადადება სხვადასხვა საკითხები (მაგ: ბაზებთან დაკავშირებული პრობლემები, ბიბლიოთეკით სარგებლობის წესები და სხვ.)

სერვისის შესახებ დეტალური ინფორმაცია [იხ. აქ](#)

### **ონლაინ შეკვეთების ამობეჭდვა**

წინასწარ, ონლაინ შეკვეთის საფუძველზე ამობეჭდვის სერვისით ისარგებლა 87-მა მკითხველმა.

სერვისის შესახებ დეტალური ინფორმაცია [იხ. აქ](#)

## **II. ბიბლიოთეკის დარბაზები**

### **სულხან-საბა ორბელიანის დარბაზის რეორგანიზაცია**

სულხან-საბა ორბელიანის დარბაზში (მის: ჭავჭავაძის 32, A409), 2016 წლის მაისი-ივნისის თვეში დაგეგმილ სარემონტო სამუშაოებთან დაკავშირებით, აუცილებელი გახდა აღნიშნულ სივრცეში განთავსებული საბიბლიოთეკო ერთეულების გამობშირვა, დახარისხება და გადასატანად ყუთებში ჩალაგება.

მოცემულ ანგარიშში აღწერილია განხორციელებული საქმიანობები. აღნიშნული საქმიანობა 8 ძირითადი ეტაპისგან შედგებოდა და მიჰყვებოდა შემდეგ თანმიმდევრობას:

#### **1. კრიტერიუმების განსაზღვრა;**

პირველ ეტაპზე დადგინდა გადარჩევა-დახარისხების შემდეგი კრიტერიუმები:<sup>1</sup>,

- აქტიურად მოთხოვნად ეგზემპლარები
- სილაბუსით გათვალისწინებული და სხვა სასწავლო ლიტერატურა
- რარიტეტული გამოცემები
- მხატვრული, კლასიკური ლიტერატურა
- შინაარსობრივად (მორალურად) მოძველებული წიგნები
- ზედმეტი და არაპროფილური გამოცემები
- პოლიტიკურად აქტუალობადაკარგული გამოცემები
- ფიზიკურად მოძველებული (გაცვეთილი) მასალები.

## **2. ქართული ფონდის გადარჩევა, დახარისხება:**

კრიტერიუმების განსაზღვრისა და შეთანხმების შემდეგ, დაიწყო ქართული ფონდის გამომხიროვნა-დახარისხების პროცესი, რის გამოც თითოეული წიგნი შემოწმდა 1. ელექტრონულ კატალოგში და დადგინდა გატარებული, რეინვენტარიზებული ერთეულების რაოდენობა, 2. ასევე გამომცემლობებისა და წიგნის მალაზიების ვებ-გვერდებზე მოცემულ კატალოგებში, ბეჭდვის ტენდეციების დასადგენად (არის თუ არა ახალი გამოცემები, არის თუ არა მსგავსი შინაარსის გამოცემები და სხვ.)

## **3. რუსული და უცხოენოვანი კლასიკური ლიტერატურისა დაქართველი ავტორების უცხოენაზე ნათარგმნი ნაწარმოებების გამომხიროვნა:**

შემდეგ გადაირჩა რუსული და უცხოენოვანი ლიტერატურა. საწყის ეტაპზე ბიბლიოთეკის თანამშრომლების მიერ გამოიხშირა მხატვრული, კონკრეტულად კი, კლასიკური ლიტერატურა, ასევე, საქართველოს შესახებ და ქართველი ავტორების უცხო ენაზე ნათარგმნი ნაწარმოებები. აღნიშნული ლიტერატურა განთავსდა ცალკე ყუთებში და დაიგეგმა მათი შემდგომში ელექტრონულ კატალოგში შეყვანა.

## **4. პერიოდული გამოცემების გადარჩევა, დახარისხება;**

პერიოდული გამოცემების გადარჩევა მოხდა, ზემოთ აღნიშნული იმ კრიტერიუმების საფუძველზე, რომლებიც მათ შინაარსსა და ფიზიკურ მდგომარეობას შეესაბამებოდა. ასევე შემოწმდა საქართველოს პარლამენტის ეროვნულ ბიბლიოთეკის ელექტრონულ ბიბლიოთეკაში, ელექტრონული ვერსიების არსებობის დასადგენად, ის დასახელებებში რომლებიც აღმოჩნდა მომზადდა ფონდიდან გასარიცხად, დანარჩენები კი, ცალკე ყუთებში ჩაეწყო და დაიგეგმა მათი რეინვენტარიზაცია.

## **5. სანოტო გამოცემების გადარჩევა, დახარისხება**

<sup>1</sup>აღნიშნული კრიტერიუმებით დახარისხება ეხებოდა მხოლოდ იმ ფონდს, რომელიც მოცემული ეტაპისთვის არ იყო რეინვენტარიზებული და ელექტრონულ კატალოგში შეყვანილი.

სანოტო გამოცემების გადარჩევაც დაეყრდნო შემუშავებულ კრიტერიუმებს (ძირითადად ფიზიკურ მდგომარეობას), ასევე საგნობრივი მიმართულების კონსულტანტის რეკომენდაციას.

## **6. საგნობრივი მიმართულების კონსულტანტების პროცესში ჩართვა**

საგნობრივ კონსულტანტებთან ერთად და მათი რეკომენდაციების გათვალისწინებით ბიბლიოთეკის თანამშრომლებმა წინასწარ განსაზღვრული კრიტერიუმების საფუძველზე გადაარჩიეს და ყუთებში დაახარისხეს სხვადასხვა სამეცნიერო მიმართულების შესაბამისი ფონდები. წიგნების გადარჩევისას მაქსიმალურად იყო გათვალისწინებული მომხმარებლის ინტერესები და სასწავლო მიზნები. დახარისხების შემდეგ გამოიყო სამი ძირითადი კატეგორია: 1. ელექტრონულ კატალოგში შესაყვანი, 2. ფონდიდან გასარიცხი 3 გასაჩუქებელი.<sup>2</sup>

## **7. ძირითადი და რარიტეტული ფონდის ჩაწობა.**

საქმიანობის ბოლო ეტაპზე ყუთებში კლასიფიკაციის შესაბამისი თანმიმდევრობით ჩალაგდა ფონდის ელექტრონულ კატალოგში შეყვანილი ნაწილი, ასევე რარიტეტული გამოცემები. გამონაკლისს წარმოადგენდა აქტიურად მოთხოვნილი ლიტერატურა (მაგ: შესავალი თანამედროვე აზროვნებაში, ეკონომიკის პრინციპები და სხვ.) და იურიდიული მიმართულების წიგნები, რომლებიც განთავსდა ბიბლიოთეკისთვის გამოყოფილ დროებით სივრცეში (მის: ჭავჭავაძის 32, A206) მკითხველისთვის ხელმისაწვდომობის მიზნით.

## **8. ფონდიდან გასარიცხი ერთეულები.**

ზემოთ აღნიშნული, შვიდივე პროცესის პარალელურად მიმდინარეობდა ფონდიდან გასარიცხი ერთეულების საინვენტარო ჟურნალში აღწერა.<sup>3</sup>

სულხან-საბა ორბელიანის დარბაზის ფონდის გადარჩევა-დახარისხების პროცესი 1 წელზე მეტი მიმდინარეობდა და დაიწყებული იყო 2015 წელს

## **ლიტერატურის ოთახის ფონდის ჩალაგება-აწობა**

ლიტერატურის ოთახიც (მის: ჭავჭავაძის 32, ლიგამუსის I სართული), ისევე როგორც სულხან-საბა ორბელიანის დარბაზი, 2016 წლის მაისი-ივნისის თვეში დაგეგმილ სარემონტო სამუშაოებთან დაკავშირებით, დროებით დაიკეტა. აღნიშნულ სივრცეში

---

<sup>2</sup>მოცემულ სიტუაციაში გასაჩუქებელი ლიტერატურა გულისხმობს იმ საბიბლიოთეკო ერთეულებს, რომლებიც ბიბლიოთეკის ფონდში საკმარისზე მეტი რაოდენობის აღმოჩნდა და წარმოადგენდა შინაარსობრივად და ფიზიკურად კარ გამოცემას.

<sup>3</sup>ფონდიდან გასარიცხი და გასაჩუქებელი ერთეულების რაოდენობა იხილეთ, ბიბლიოთეკის ანგარიშის კატალოგიზაციისა და კლასიფიკაციის ნაწილში.

განთავსებული ფონდი ჩალაგდა ყუთებში. რაც შეეხება, დარბაზის გახსნას, სწავლის დაწყებისთვის ფონდი კლასიფიკაციის წესების დაცვით განთავსდა თაროებზე და მკითხველისთვის შესაძლებელი გახდა მათზე ხელმისაწვდომობა.

### **კვლევითი და ილიას დარბაზის გაერთიანება**

2016 წლის ივლისში გაერთიანდა ბიბლიოთეკის კვლევითი (მის: ჩოლოყაშვილის 3-5, F104) და ილიას დარბაზის (მის: ჩოლოყაშვილის 3-5, E249) ფონდები, რის საფუძველზეც მკითხველისთვის ერთ სივრცეში გახდა ხელმისაწვდომი მხატვრული და მეცნიერების სხვადასხვა მიმართულების შესაბამისი ლიტერატურა. პირველ ეტაპზე, კვლევითი დარბაზის ფონდიდან გამორჩეულ იქნა მკითხველის მიერ აქტიურად მოხმარებადი ერთეულები და შესაბამისი საბიბლიოთეკო პროცედურების გავლის შემდეგ განთავსდა ილიას დარბაზში. წიგნების დარჩენილი ნაწილისთვის კი, გამოიყო როგორც ფიზიკური, ასევე ელექტრონული კატალოგში სპეციალური სივრცე, სახელწოდებით - „ილიას საცავი“ და აღნიშნული ერთეულები, კატალოგიზაციის პროცესების გავლის შემდეგ დაეწყო თაროებზე.

ილიას დარბაზსა და საცავში ამ ეტაპზე ხელმისაწვდომია როგორც სამეცნიერო, ასევე პოპულარული და შემეცნებითი ხასიათის შემდეგი მიმართულების ლიტერატურა:

- ✓ საზოგადოებრივი, საბუნებისმეტყველო მეცნიერებები
- ✓ გამოყენებითი მეცნიერებები და მათემატიკა
- ✓ მედია, ისტორია და გეოგრაფია
- ✓ კომპიუტერული მეცნიერებები, საბიბლიოთეკო საქმე.
- ✓ ფილოსოფია და ფსიქოლოგია
- ✓ თეოლოგია და რელიგია
- ✓ მხატვრული ლიტერატურა.

ზემოთ აღნიშნულ პროცესი 2 თვის განმავლობასი ხორციელდებოდა.ხ

## **III. ღონისძიებები**

### **წიგნის მე-18 საერთაშორისო ფესტივალი**

2016 წლის 26 მაისიდან 29 მაისის ჩათვლით გამართულ თბილისის წიგნის მე-18 საერთაშორისო ფესტივალზე, ილიას სახელმწიფო უნივერსიტეტის ბიბლიოთეკამ დამთავალიერებელს საბუნებისმეტყველო და საინჟინრო მიმართულების უახლესი სამეცნიერო და კვლევითი ლიტერატურა შესთავაზა.

გარდა ბეჭდური გამოცემებისა, საინფორმაციო ტექნოლოგიების საშუალებით ბიბლიოთეკამ საზოგადოებას გააცნო საკუთარი ელექტრონული რესურსები. დამთავალიერებელს საშუალება ჰქონდა, ადგილზე ენახა და პრაქტიკაში გამოეცადა

ელექტრონული ბაზების, კატალოგებისა და ელექტრონული ბიბლიოთეკის მოხმარების ძირითადი ინსტრუმენტები, მოემია მისთვის საინტერესო წიგნები და პერიოდული გამოცემები.

წიგნების შესახებ ინფორმაცია იხ. აქ: [ფესტივალის წიგნები 2016](#)

### **რარიტეტული წიგნების გამოფენა**

2016 წლის 9 დეკემბერს, ილიას სახელმწიფო უნივერსიტეტის სამეცნიერო-კვლევითი საქმიანობის ანგარიშის ფარგლებში, ბიბლიოთეკის ორგანიზებით გაიმართა უნივერსიტეტიში დაცული რარიტეტების გამოფენა.

გამოფენაზე მოწვეულ სტუმრებს საშუალება ჰქონდათ XVI-XIX საუკუნეების პერიოდში დაბეჭდილი, მეცნიერების სხვადასხვა მიმართულების შესაბამისი 50 ეგზემპლარი იშვიათი და უნიკალური გამოცემების დათვალიერების, ასევე, თითოეული წიგნის შესახებ მომზადებული ანოტაციების გაცნობის (იხ. [ანოტაციები](#)).

## **V. პროფესიული განვითარება**

### **მომსახურების განყოფილების თანამშრომელთა თვითშეფასების კვლევა**

2016 წლის იანვარში ჩატარდა თვითშეფასების კვლევა, რომელიც მიზანად ისახავდა ილიას სახელმწიფო უნივერსიტეტის ბიბლიოთეკის მომსახურების თანამშრომელთა მიერ საკუთარი საქმიანობის შეფასებასა და საჭიროებების დადგენას.

კვლევა განხორციელდა ონლაინ გამოკითხვის მეთოდების გამოყენებით. კითხვარი შედგებოდა ე.წ. "დახურული კითხვებისგან", სადაც წინასწარ იყო მოცემული სავარაუდო პასუხები; ასევე იყო "ღია კითხვებიც", სადაც რესპოდენტს საშუალება ეძლეოდა, საკუთარი სიტყვებით ჩამოეყალიბებინა დასმულ შეკითხვაზე პასუხი.

კვლევა ძირითადად შემდეგ საკითხებს მოიცავდა:

- I. მომსახურების განყოფილების მარეგულირებელი დოკუმენტები
- II. ელექტრონული რესურსები და შესაძლებლობები
- III. ბიბლიოთეკის გუნდის წევრობა
- IV. დროის მენეჯმენტი
- V. კონფლიქტების მართვა
- VI. კოლეგიალობა
- VII პროფესიული განვითარებაზე ზრუნვა
- VIII. მომხმარებელთან კომუნიკაცია
- IX. ბიბლიოთეკარის პროფესიული საქმიანობის კუთხით მომხმარებლის დახმარება
- X. ბიბლიოთეკარის პროფესიონალიზმი
- XI პროფესიული განვითარების საჭიროება

### კვლევის შედეგად ძირითადი გამოიკვეთა:

- ბიბლიოთეკის მომსახურების თანამშრომლები კარგად იცნობებენ სარგებლობის წესებს და მუშაობის პროცესში ხელმძღვანელობენ აღნიშნული დოკუმენტით, თუმცა მაინც საჭიროებენ გარკვეულ საკითხებზე შეთანხმებასა და ერთიანი მიდგომის დაცვას.
- მიუხედავად იმისა, რომ გამოკითხულები ერთ გუნდათ მოაზრებენ საკუთარ თავს, უყვართ საკუთარი საქმიანობა და დასაქმების ადგილი, ნაკლებად ერთვებიან ბიბლიოთეკის facebook გვერდის საშუალებით ბიბლიოთეკის შესახებ საზოგადოების ცნობადობის ამაღლების საკითში.
- გამოიკვეთა საჭიროება ელექტრონული სამეცნიერო ბაზების შესახებ მეტი ინფორმაციის მიღებისა და ამ კუთხით პრაქტიკული უნარების განვითარების.
- კონფლიქტების მართვისა და კოლეგიალობის თვალსაზრისით საკითხის შეჯამებისას გამოიკვეთა, რომ ამ კუთხით პრობლემები ნაკლებია და თანამშრომლებს შორის ჩამოყალიბებულია პოზიტიური ურთიერთობები.
- დროის მენეჯმენტის შესახებ საკითხის განხილვისას, აღმოჩნდა: მიუხედავად იმისა, რომ თანამშრომლები მაქსიმალურად ცდილობენ დროულად გამოცხადდნენ სამსახურში, დაიცვან დედლაინები, მაინც უჭირთ დროის მართვა.
- რაც შეეხება პროფესიულ განვითარებაზე ზრუნვას, ამ ეტაპზე გამოიკვეთა შემდეგი საჭიროებები, იხ თავი XI და ასევე, საერთო მონაცემებზე დაყრდნობით, საკუთარი ფუნქცია-მოვალეობების შესახებ ნაკლებ ინფორმირებულობა, ელექტრონული რესურსების მოძიების ინსტრუმენტების ფლობა (ბიბლიოთეკის ვებ-გვერდი, საავტორო უფლებების დაცვა საბიბლიოთეკო სივრცეში, ინფორმაციის სანდოობის განსაზღვრა და ა.შ).
- მომხმარებელთან კომუნიკაციის საკითხში გამოკითხულები თვლიან, რომ მომხმარებლები კმაყოფილები არიან მათ მიერ შეთავაზებული სერვისებით.
- ბიბლიოთეკარის პროფესიული საქმიანობის კუთხით მომხმარებლის დახმარებას რაც შეეხება, გამოიკვეთა, რომ თანამშრომლების მხრიდან ყოველთვის არ ხდება ყველა იმ საჭირო სერვისასა და რესურსის მიწოდება მკითხველისთვის, რასაც ამ ეტაპზე ბიბლიოთეკა ფლობს.
- თანამშრომლების მიერ საკუთარი პროფესიული განვითარება 5 ბალიანი სისტემის მიხედვით შემდეგნაირად შეფასდა: 6 გამოკითხული - 5 ქულა, 7 გამოკითხული - 4 ქულა და 3 - 3 ქულა, მიღებული შედეგი მეტყველებს იმაზე, რომ თანამშრომლების ნაწილი საჭიროებენ გარკვეულ საკითხებზე კონსულტირებას.

### **ტრენინგი - დროის მართვა**

თვითშეფასების კვლევიდან გამომდინარე ერთ-ერთ პრობლემატურ საკითხად გამოიკვეთა დროის მართვა. აღნიშნულის საფუძველზე მომზადდა ტრენინგ-მოდული, რომელიც მიზნად ისახავდა დროის ეფექტურად მართვის მრავალფეროვანი სტრატეგიების გაცნობასა და პრაქტიკულ გამოყენებას.

ტრენინგის ინტერაქტიულ ხასიათს ატარებდა და ყველაზე ხშირად გამოყენებულ მეთოდებს შორის იყო, სიტუაციების განხილვა, დისკუსიები, თემატური პრეზენტაციები და სხვ.

ტრენინგის ხანგრძლივობა 3 საათს შეადგენდა.

ტრენინგში მომსახურების განყოფილების ყველა თანამშრომელმა მიიღო მონაწილეობა.

### **ბიბლიოთეკის სივრცეში საკომუნიკაციო ინგლისურის ტრენინგ-კურსი**

თვითშეფასების კვლევისას ასევე გამოიკვეთა ინგლისურ ენაზე კომუნიკაციის წარმართვისას, საბიბლიოთეკო ტერმინოლოგიის ადეკვატურად გამოყენების პრობლემა, აღნიშნულის საფუძველზეც მომზადდა შესაბამისი ტრენინგ-კურსი.

ტრენინგ კურსის ძირითადად დიალოგის ფორმატს ითვალისწინებდა და 10 შეხვედრაზე იყო გადანაწილებული. თითოეული შეხვედრა 1 საათსა და 30 წუთს გრძელდებოდა. სულ 7 თანამშრომელი გადამზადდა.

### **უცხოური ბიბლიოთეკის გამოცდილება**

2016 წლის მარტში სხვა ქვეყნების ბიბლიოთეკების მუშაობის სპეციფიკების გაცნობისა და საკუთარი გამოცდილების ურთიერთგაზიარების მიზნით, მომსახურების განყოფილების თანამშრომლებმა მოამზადეს სხვადასხვა ბიბლიოთეკის შესახებ პრეზენტაციები, სადაც წარმოდგენილი იყო,

- გერმანიის ბიბლიოთეკების ზოგადი მიმოხილვა, იენის უნივერსიტეტის ბიბლიოთეკა
- გერმანია, ჰაიდელბერგის ბიბლიოთეკა
- საფრანგეთის ეროვნული ბიბლიოთეკა
- ვარშავის ეროვნული ბიბლიოთეკა
- ჩიკაგოს საჯარო ბიბლიოთეკა

პრეზენტაციების შემდეგ გაიმართა დისკუსია იმის შესახებ, თუ რა გვაქვს საერთო და განსხვავებული წარმოდგენილ ბიბლიოთეკებთან, მათი რომელი გამოცდილება შეიძლება გადმოვიტანოთ საკუთარ პრაქტიკაში და სხვ.

## VI. შიდა პროექტები

### ფონდების ანოტირება

პროექტის მიზანია, ილიაუნის ფონდის ანოტირების გზით, ხელი შეეწყოს ბიბლიოთეკაში დაცული ნაბეჭდი და ციფრული რესურსების იმგვარად აღწერას, რომ მკითხველს სრული წარმოდგენა შეექმნას ნაშრომის ავტორზე, შინაარსზე, ძირითად დანიშნულებასა და მნიშვნელობაზე.

პროექტი 2014 წლის 24 ნოემბერს დაიწყო და ბიბლიოთეკის სერვისებისა და კატალოგიზაციის განყოფილების ერთობლივ საქმიანობას წარმოადგენს. 2016 წელს მომსახურების განყოფილების თანამშრომლების მიერ მომზადებულია 600-მდე როგორც ქართულენოვანი, ასევე უცხოენოვი რესურსის ანოტაცია.

### ავტორეფერატების გაციფრება

2016 წლის იანვრიდან ილიას უნივერსიტეტის ბიბლიოთეკამ ინტენსიურად დაიწყო ბეჭდური სახით არსებული ავტორეფერატების გაციფრება. პროექტი ციფრულ ფორმატში მათ დაცვა-შენახვასა და სამეცნიერო-კვლევითი მიზნებით მათზე წვდომას ისახავს მიზნად. ნაშრომები მოიცავს 1960 წლიდან 2006 წლის ჩათვლით ავტორეფერატების 6892 ეგზემპლარს.

პროექტისთვის შეირჩა ის ნაშრომები, რომელიც აკმაყოფილებს შემდეგ კრიტერიუმებს:

- საქართველოში გამოცემული ავტორეფერატები
- საბჭოთა კავშირში გამოცემული ქართველი ავტორების ავტორეფერატები
- საქართველოს შესახებ გამოცემული ავტორეფერატები
- სულხან-საბა ორბელიანის სახელობის ინსტიტუტში დაცული ნაშრომები

გაციფრების პროცესისთვის აუცილებელი ეტაპები მოიცავდა შემდეგ საკითხებს:

1. ნაბეჭდი ავტორეფერატების სპეციალურ ცხრილში აღწერა
2. ნაბეჭდი ავტორეფერატების დასკანერება-დამუშავება
3. გაციფრებული ავტორეფერატების სპეციალურად შექმნილ ელ. საცავ eprints-ზე განთავსება.
4. ელ. საცავში ატვირთული ავტორეფერატების სპეციალურ ცხრილში აღწერა.

ამ ეტაპზე გაციფრებული და საიტზე <http://eprints.iliauni.edu.ge/> განთავსებულია 1816 ავტორეფერატი. რომელთაგან 1791- რუსულ ენაზე, ხოლო 25 ცალი ქართულ ენაზეა., საიდანაც 211 დასახელების ერთეული 2015 წელს არის გაციფრებული.

## VI. ცირკულაციის პროცესების ავტომატიზაცია

2016 წლის ოქტომბერში ილიაუნის ბიბლიოთეკამ დაიწყო მუშაობა პროექტზე, რომელიც ითვალისწინებს ბიბლიოთეკის ცირკულაციის პროცესების ავტომატიზაციასა და არგუსის მონაცემთა ბაზიდან მკითხველის შესახებ ავთენტური მონაცემის წამოღებას.

აღნიშნული პროექტის შედეგად, შესაძლებელი გახდება ბიბლიოთეკის მომხმარებელთა მიერ გატანილი და დაბრუნებული საბიბლიოთეკო ერთეულების პროგრამული დამუშავება, მკითხველის ისტორიის შენახვა, ერთიანი მონაცემთა ბაზის შექმნა და ყველა დარბაზის თანამშრომლისთვის მისი ხილვადობის უზრუნველყოფა. პროგრამის დანერგვა იგეგმება 2017 წლისპირველ ნახევარში.

## VII ასლგადამღები პუნქტების ხარჯთაღრიცხვა

ბიბლიოთეკში ფუნქციონირებს სამი ასლგადამღები პუნქტი, რომლებიც შემდეგ მისამართზე მდებარეობენ:

- პუნქტი 1: ჩოლოყაშვილის 3-5, E307
- პუნქტი 2: ილია ჭავჭავაძის გამზ. 32, A 206
- პუნქტი 3: ილია ჭავჭავაძის გამზ. 32. A 206

ასლგადამღები პუნქტების ხარჯთაღრიცხვაში წამოდგენილი მონაცემები აღებულია 2016 წლის 24 მარტიდან 2016 წლის 30 ნოემბრის ჩათვლით.

შავ-თეთრი	
ამობეჭდილი გვერდების რაოდენობა -	617893
აქედან სერვისის საჭიროებისათვის ტესტირების დროს გვერდების რაოდენობა	2095
ჯამში დაბეჭდილია	615798
ჯამში ღირებულება (ლარი)	17242.344

ფერადი	
ამობეჭდილი გვერდების რაოდენობა -	1037
აქედან სერვისის საჭიროებისათვის ტესტირების დროს გვერდების რაოდენობა	148
ჯამში დაბეჭდილია	889
ჯამში ღირებულება (ლარი)	141.351

## 2. საბიბლიოთეკო ფონდების მენეჯმენტის განყოფილება

2016 წლის განმავლობაში ბიბლიოთეკის ფონდების მენეჯმენტის განყოფილებამ რამდენიმე ძირითადი მიმართულებით იმუშავა უნივერსიტეტში სასწავლო და კვლევითი პროცესის ხელშეწყობის მიზნით. ქვემოთ მოცემულია 2016 წელს განხორციელებული ის აქტივობები, რომლებმაც ხელი შეუწვევს ბიბლიოთეკის განვითარებას, საუნივერსიტეტო საზოგადოებას სწავლა/სწავლების პროცესის გაუმჯობესებასა და უნივერსიტეტში კვლევითი საქმიანობის გაღრმავებას.

### კოლექციების განვითარება

2016 წლის განმავლობაში ბიბლიოთეკამ საინფორმაციო რესურსის გამდიდრების მიზნით სხვადასხვა ტიპის შესყიდვა განახორციელა. ბიბლიოთეკამ წიგნების არჩევისას იხელმძღვანელა უნივერსიტეტის ფაკულტეტების ხელმძღვანელებისა და პროფესორ-მასწავლებლების წარდგინებისა და სტუდენტების მოთხოვნის საფუძველზე. სასწავლო და კვლევითი ლიტერატურის საჭიროებიდან გამომდინარე 2016 წელს შეძენილი ლიტერატურა მოიცავდა შემდეგ მიმართულებებს:

- |                        |                                  |
|------------------------|----------------------------------|
| ✓ ანთროპოლოგია         | ✓ სოციალური მეცნიერებები         |
| ✓ ფსიქოლოგია           | ✓ სამართალი                      |
| ✓ ფილოსოფია            | ✓ ადამინის უფლებები              |
| ✓ ენათმეცნიერება       | ✓ პოლიტოლოგია                    |
| ✓ მარკეტინგი           | ✓ აკადემიური წერა                |
| ✓ ფინანსები            | ✓ საბუნებისმეტყველო მეცნიერებები |
| ✓ მხატვრული ლიტერატურა |                                  |

დაფინანსების წყაროს წარმოადგენდა როგორც ბიბლიოთეკის, ასევე ცალკეული ფაკულტეტის/ სკოლის, კვლევითი ინსტიტუტების/ ცენტრების ბიუჯეტი, სხვადასხვა პროექტის ფარგლებში გამოყოფილი ფულადი ადგილობრივი და საერთაშორისო გრანტები.

### გრანტი

2016 წელს ბიბლიოთეკამ უნივერსიტეტის პროფესორ-მასწავლებლებისგან მიღებული 8 გრანტის ფარგლებში შეისყიდა 66 დასახელების 83 ერთეული საინფორმაციო რესურსი, რომელთა ღირებულება შეადგენს 8513.54 ლარს.

გრანტების საერთო ღირებულება შეადგენს: 8513.54 ლარს.

### სუბსიდია

სასწავლო და კვლევითი პროცესისთვის საინფორმაციო რესურსის შესყიდვის მიზნით უნივერსიტეტის სუბსიდიის ფარგლებში 2016 წელს გამოიყო 3570 ლარის ოდენობის თანხა, რის საფუძველზეც ბიბლიოთეკამ შეიძინა 38 დასახელების 44 ერთეული წიგნი.

სუბსიდიის საერთო ღირებულება შეადგენს: 3570 ლარს.

### ბიუჯეტი

უნივერსიტეტის ბიუჯეტის ფარგლებში 2016 წელს ბიბლიოთეკამ შეისყიდა 339 დასახელების 573 ერთეული 39882.84 ლარის ღირებულების წიგნი.

ბიუჯეტის საერთო ღირებულება შეადგენს: 39882.84 ლარს.

2016 წლის განმავლობაში ბიბლიოთეკამ შეისყიდა 51 967 ლარის ღირებულების წიგნები<sup>4</sup>.

### პრესა

პროფესორ-მასწავლებლებისა და ბიბლიოთეკარების წარდგინების საფუძველზე ბიბლიოთეკამ 2016 წელს შპს „ელვა.ჯი“-სთან გაფორმებული ხელშეკრულების თანახმად გამოიწერა 6 დასახელების ჟურნალ-გაზეთი.

---

<sup>4</sup>ინფორმაცია მოიცავს მონაცემებს 2016 წლის 15 დეკემბრამდე, მიმდინარე წლის ბოლომდე დამატებით დაგეგმილია სასწავლო და სამეცნიერო ლიტერატურის შესყიდვა, საერთო ღირებულებით 17 000 ლარი, მათი მოწოდება განხორციელდება 2017 წლის იანვარ-თებერვალში

პრესის შესყიდვის ანგარიშსწორება ხორციელდება ნაწილ-ნაწილ. შიმდინარე წელს სამტრანშად გადაირიცხა 665 ლარის ოდენობის თანხა<sup>5</sup>.

ერთი წლის განმავლობაში პრესის ღირებულება შეადგენს დაახლოებით 900 ლარს.

კოლექციების ამოღება, შენახვა

სულხან-საბა ორბელიანის დარბაზის ფონდი

როგორც ყველა ცოცხალი ბიბლიოთეკა, ჩვენი უნივერსიტეტის ბიბლიოთეკაც ორიენტირებულია ფონდის განახლებასა და განვითარებაზე. ამისთვის აუცილებელია პერიოდულად როგორც ახალი წიგნების შეძენა, ასევე ფონდის გათავისუფლება დაზიანებული, მორალურად მოძველებული და სასწავლო ან კვლევითი პროცესისთვის შეუსაბამო ლიტერატურისგან. 2016 წლის განმავლობაში ბიბლიოთეკის თანამშრომლებმა იმუშავეს სულხან საბა ორბელიანის დარბაზის ფონდის გამოხშირვისა და გამოუსადეგარი ეგზემპლარების საბიბლიოთეკო ფონდიდან გარიცხვის მიზნით.

სასწავლო კურსებისთვის რიდერების მომზადება


ილიას სახელმწიფო უნივერსიტეტის პროფესორ-მასწავლებლების და ფაკულტეტების მოთხოვნის შესაბამისად 2016 წლის მანძილზე დამზადდა 280 კურსის რიდერი (273 ელექტრონული, 7 ბეჭდური). მათი ბეჭდური ეგზემპლარები მიმართულებების მიხედვით განთავსდა სამკითხველო დარბაზებში, ხოლო ელექტრონული ვერსიები აიტვირთა ბიბლიოთეკის ვებ-სივრცეში (რიდერების ვებ-გვერდზე).

რიდერების დასამზადებლად ჯამში გამოყენებულ იქნა 895 მასალა, რომელთაგან 595 ელექტრონული სახით (pdf, word) მოგვაწოდეს, ხოლო 300 - ბეჭდური. სასწავლო მასალებიდან საერთო ჯამში გამოვიყენეთ 86 313 გვერდი.


---

<sup>5</sup>შეოთხე ტრანშის გადახდა უნდა მოხდეს 2016 წლის 30 დეკემბერს, რის გამოც ამ ინფორმაციის ასახვა ვერ მოხდა აღნიშნულ ანგარიშში.

## რიდერების რაოდენობა სემესტრის მიხედვით



## რიდერების რაოდენობა ფაკულტეტების/სკოლების მიხედვით



2015- 2016 წლების შედარება (რიდერები, მასალები)

	რიდერები	დამუშავებული მასალა	გვერდები	BA	MA	PhD
2015	167	507	43456	91	66	8
2016	280	895	86313	160	119	1

1. სილაბუსების დამუშავების სტატისტიკა

ბიბლიოთეკა აქტიურად თანამშრომლობს უნივერსიტეტის ფაკულტეტებთან/სკოლებთან სილაბუსებში მითითებული ლიტერატურის ხელმისაწვდომობის გაზრდის მიზნით. 2016 წლის განმავლობაში დამუშავდა სილაბუსებში არსებული შემდეგი რაოდენობის სასწავლო მასალა:

- ბიზნესის ფაკულტეტი - **380**
- საბუნებისმეტყველო მეცნიერებებისა და საინჟინრო ფაკულტეტი - **396**
- მეცნიერებათა და ხელოვნების ფაკულტეტი - **1 559**

2. ბიბლიოთეკის ვებ-სივრცე და ელექტრონული მასალები

ბიბლიოთეკის ერთ-ერთი მნიშვნელოვანი პრიორიტეტია სერვისების გაუმჯობესების მიზნით ვებ-სივრცეში ცნობადობის გაზრდა და ელექტრონულ მასალებზე ხელმისაწვდომობის უზრუნველყოფა. ბიბლიოთეკის საიტი საკმაოდ მოქნილი, დახვეწილი და მომხმარებლისთვის ადვილად გამოსაყენებელია. ელექტრონული ბიბლიოთეკა 2016 წლის მდგომარეობით მოიცავს შემდეგ რესურსებს:

- ელექტრონული წიგნი - **192** ერთეული (82 მათგან ახლავს ანოტაცია)

- ელექტრონული ჟურნალ-გაზეთები - 8 დასახელება (222 ნომერი)
- ვიდეო მასალა - კურსის „შესავალი თანამედროვე აზროვნებაში“ ფარგლებში 12 ავტორის შესახებ ვიდეო მასალა
- აუდიო მასალა - კურსის „შესავალი თანამედროვე აზროვნებაში“ ფარგლებში 10 ავტორის შესახებ აუდიო მასალა.

ამათგან, ქართული ლიტერატურის 96 ელექტრონული წიგნი ხელმისაწვდომია PDF, Mobi და ePub ფორმატებში.

ყოველთვიურად საიტს ემატება ახლად შესყიდული წიგნების მონაცემები (ფოტო და აღწერილობა).

ბიბლიოთეკა სოციალური ქსელის საშუალებითაც ახდენს მკითხველთა ინფორმირებას და დახმარებას. 2016 წლის 14 დეკემბრის მონაცემებით ჩვენს ფეისბუქ-გვერდს 10 280 მოწონება აქვს. მათი უმეტესობა ჩვენი გვერდის აქტიური მიმდევარია.

## სამეცნიერო ელექტრონული ბაზები

---

### 1. განხორციელებული შესყიდვები

2016 წლის განმავლობაში ბიბლიოთეკა უზრუნველყოფდა წვდომას შემდეგ სამეცნიერო ელექტრონულ ბაზებზე, რომელიც მთლიანობაში ფარავს თითქმის ყველა სასწავლო მიმართულებას:

- ✓ EBSCO
- ✓ Political Science Complete (Ebscohost)
- ✓ Humanities Source (Ebscohost)
- ✓ JSTOR
- ✓ Sage Publishing
- ✓ Cambridge University Press Journals
- ✓ Project Muse
- ✓ Science Direct
- ✓ Scopus
- ✓ Web of Science (Thomson Reuters)
- ✓ Journal Citation Report (Thomson Routers)
- ✓ ProQuest Research Library
  - ✓ IMF Elibrary
  - ✓ DOAJ
  - ✓ The New England Journal of Medicine
  - ✓ BioOne
  - ✓ ElgarOnline
  - ✓ Royal Society Journals Collection
  - ✓ Hinari
  - ✓ Journal of Autism and Development Disorders
  - ✓ Encyclopedia Britannica

აღნიშნული რესურსების შეძენისათვის ბიბლიოთეკამ 2016 წელს გააფორმა ხელშეკრულებები: ა) საქართველოს საბიბლიოთეკო ასოციაციასთან, რომელიც საერთაშორისო საბიბლიოთეკო კონსორციუმების წევრობის გამო ფლობს ბაზების ლიცენზირების უზრუნველყოფის ექსკლუზიურ უფლებას საქართველოში და სარგებლობს მნიშვნელოვანი ფასდაკლებებით. ბ) უშუალოდ სამეცნიერო ელექტრონული ბაზების მომწოდებლებთან.

**2016 წელს ბიბლიოთეკამ საერთო ჯამში შეიძინა 157366.84 ლარის, 400 ბრიტანული ფუნტის ღირებულების სამეცნიერო ელექტრონული ბაზები.**

2016 წლის განმავლობაში, საცდელ რეჟიმში, ჩართული იყო შემდეგი ელექტრონული ბაზები:

- Bentham Sciences Journals
- eHRAF World Cultures
- eHRAF Archeology
- Pivot TM
- ProQuest Dissertations
- Alexsander Street Publishing

## 2. ჩატარებული ტრენინგები

ბიბლიოთეკაში არსებული სამეცნიერო ელექტრონული ბაზების შესახებ საუნივერსიტეტო საზოგადოების ინფორმირებისა და აგრეთვე ამ ბაზებში მკითხველისათვის სასურველი მასალის მოძიების უნარების გამომუშავების მიზნით, წლის განმავლობაში ჩატარდა 16 ტრენინგი სხვადასხვა სამიზნე აუდიტორიისათვის. ტრენინგის მსვლელობისას მსმენელებს საშუალება ჰქონდათ ერთი მხრივ მოესმინათ ინფორმაცია, ხოლო მეორე მხრივ პრაქტიკული სამუშაოს საშუალებით გაცნობოდნენ ელექტრონული რესურსების საძიებო ინსტრუმენტებს.

2016 წელს, გაზაფხულის და შემოდგომის სემესტრების დაწყების წინ ჩატარდა ტრენინგები ტრენინგები საბაკალავრო საფეხურის სავალდებულო საგნის „აკადემიური მუშაობის ტექნიკები“ მასწავლებლებისთვის. ტრენინგში მონაწილეობის შემდეგ, ყველა მასწავლებელი ინფორმირებული იყო სამეცნიერო ბაზების შესახებ. მათ, თავის მხრივ, სალექციო კურსის ფარგლებში ბაკალავრიატის პირველი წლის სტუდენტებს განუვითარეს სამეცნიერო ბაზებში ეფექტურად მუშაობის უნარები.

მიმდინარე წელს ბიბლიოთეკის ორგანიზებით გაიმართა საინფორმაციო სახის ვორქშოპები:

- ✓ Ebsco Day Georgia / სამეცნიერო ელექტრონული ბაზები საუნივერსიტეტო ბიბლიოთეკებში, როგორც კვლევის ხარისხის გაუმჯობესების საშუალება
- ✓ Increasing Research Productivity with Using Mendeley / სამეცნიერო საქმიანობის გაუმჯობესება ელექტრონული რესურსების გამოყენებით - Mendeley -ის შემთხვევა

## 3. სტატისტიკური მაჩვენებლები

ელექტრონული ბაზების შესყიდვისათვის ყოველწლიურად დამტკიცებული ბიუჯეტის მიზნობრივი გახარჯვისათვის, ბიბლიოთეკა აწარმოებს მომხმარებელთა სტატისტიკური მონაცემების მონიტორინგს. დაკვირვებაზე დაფუძნებული შესყიდვა საშუალებას იძლევა

თავიდან ავირიდოთ საუნივერსიტეტო საზოგადოებისათვის ნაკლებად საჭირო და არააქტუალური ელექტრონული რესურსების შესყიდვა.

სტატისტიკური მონაცემების კონტროლისათვის ბიბლიოთეკას თითოეულ ბაზასთან შეთანხმებით შექმნილი აქვს თავისი ადმინისტრატორის გვერდი, რომლის საშუალებითაც ამოწმებს, ერთი მხრივ ბაზის სტატუსს (ჩართულია, გამორთულია თუ შეზღუდულია წვდომა), ხოლო მეორე მხრივ, მომხმარებელთა ყოველთვიურ აქტიურობას. ამის საფუძველზე შემუშავდება მომხმარებელთა წლიური სტატისტიკური მონაცემები და ხდება მათი შედარება წინა წლის მონაცემებთან (იხ. დანართი 1).


#### **4. საერთაშორისო ურთიერთობები**

ბიბლიოთეკა აქტიურად თანამშრომლობს საქართველოს საბიბლიოთეკო ასოციაციასთან, საქართველოს პარლამენტის ეროვნულ ბიბლიოთეკასთან და საბიბლიოთეკო კონსორციუმში შემავალ ბიბლიოთეკებთან სხვადასხვა სფეროში, მათ შორის ელექტრონული ბაზების თანადაფინანსებით შესყიდვის კუთხით, სხვადასხვა საბიბლიოთეკო ღონისძიებების ორგანიზების და დაგეგმვის მიზნით. ილიას სახელმწიფო უნივერსიტეტის ბიბლიოთეკის წარმომადგენლები რეგულარულად მონაწილეობენ კონსორციუმის შეხვედრებში მომხსენებლებისა და მონაწილეების სტატუსით.

2016 წლის ოქტომბერში, საბიბლიოთეკო ფონდების მენეჯმენტის განყოფილების მთავარი სპეციალისტი ლალი კახიძე ერასმუსის პროექტის ფარგლებში მობილობით იმყოფებოდა ბურგენლანდის უნივერსიტეტში, ავტრიაში (Fachhochschule Burgenland (University of Applied Sciences), Austria). მობილობის ფარგლებში ის გაეცნო მასპინძელი უნივერსიტეტის ბიბლიოთეკის მუშაობის სპეციფიკას. ვიზიტის ფარგლებში ხდებოდა ინფორმაციის გაცვლა საბიბლიოთეკო ფონდების, მათზე ხელმისაწვდომობის, დიגיტიზაციის, ელექტრონული საცავის, ელექტრონული კატალოგის, საბიბლიოთეკო სტანდარტების, სამეცნიერო ბაზების და თანამშრომელთა ყოველდღიური საქმიანობის შესახებ.

# სამეცნიერო ელექტრონული ბაზების მოხმარების სტატისტიკა


## Science Direct გამოყენების სტატისტიკური მაჩვენებლები



## Science Direct გამოყენების სტატისტიკური მაჩვენებლები 2014-2015

Year/month	I	II	III	IV	V	VI	VII	VIII	IX	X	XI	XII	Total
2014				25	66	188	141	67	191	133	2158	410	3379
2015	492	550	598	1140	938	662	714	353	445	1460	1160	1078	10 090
2016	1854	1303	986	2520	1600	1191	483	347	483	385	1692		12 844


Scopus გამოყენების სტატისტიკური მაჩვენებლები



Science Direct გამოყენების სტატისტიკური მაჩვენებლები 2014-2015

Year/month	I	II	III	IV	V	VI	VII	VIII	IX	X	XI	XII	Total
2014				42	103	44	53	23	113	161	582	310	1431
2015	398	456	319	471	446	390	278	295	457	913	1622	961	6997
2016	1228	1517	1070	1661	204	206	338	94	180	278	767		7543


Jstor გამოყენების სტატისტიკური მაჩვენებლები



Jstor გამოყენების სტატისტიკური მაჩვენებლები 2013-2015

Year/month	I	II	III	IV	V	VI	VII	VIII	IX	X	XI	XII	Total
2014	556	492	228	362	312	500	275	157	298	352	1400	728	5660
2015	726	1269	1082	1123	1021	725	913	50	30	236	289	509	7973
2016	714	611	469	1197	951	1382	412	475	313	536	1168		8228

## EBSCO გამოყენების სტატისტიკური მაჩვენებლები




## EBSCO გამოყენების სტატისტიკური მაჩვენებლები 2013-2015

Year/month	I	II	III	IV	V	VI	VII	VIII	IX	X	XI	XII	Total
2011	874	457	444	1340	1969	2165	1454	825	363	782	1179	1494	13346
2012	9064	3400	3592	3028	920	1144	4463	3190	2361	5620	4990	5108	46880
2013	11155	5113	3650	7906	5709	3151	2854	1491	1216	2395	11590	7078	63308
2014	3170	5269	5974	7388	7025	10345	2986	1407	2743	2960	23852	7423	80551
2015	3366	4797	5740	10970	12759	7605	8040	4775	2571	13650	11811	8625	94709
2016	11332	4393	3932	20289	9090	9232	6537	4123	1377	2948	14129		87382

## Thomson Reuters (WOS-JCR) გამოყენების სტატისტიკური მაჩვენებლები 2016<sup>6</sup>


<sup>6</sup>2016 წლის დეკემბრის მონაცემები ხელმისაწვდომი ქინება 2017 წლის იანვრის მეორე ნახევარში



Thomson Reuters (WOS) გამოყენების სტატისტიკური მაჩვენებლები 2013-2015

Year/month	I	II	III	IV	V	VI	VII	VIII	IX	X	XI	XII	Total
2013	136	208	245	74	410	375	440	67	83	170	228	403	2839
2014	144	103	237	385	376	207	113	104	138	346	399	623	3175
2015	245	775	615	568	993	1047	374	1106	345	623	917	625	8233
2016	739	1061	461	853	660	528	574	244	213	164	379		5876

ProQuest Research Library გამოყენების სტატისტიკური მაჩვენებელი



ProQuest Research Library გამოყენების სტატისტიკური მაჩვენებლები 2013-2015

Year/month	I	II	III	IV	V	VI	VII	VIII	IX	X	XI	XII	Total
2013					379	258	259	134	50	100	473	406	2059
2014	347	301	130	204	211	212	232	43	93	145	728	295	2935
2015	563	418	190	493	571	335	41	59	46	616	1763	442	5537
2016	963	552	192	1057	627	809	70	100	99	345	1154		5968

### 3. კატალოგიზაციისა და კლასიფიკაციის განყოფილება

#### განახლებული ელექტრონული კატალოგი

2009 წლის დასასრულიდან ილიას სახელმწიფო უნივერსიტეტის ბიბლიოთეკა სარგებლობდა კონსორციუმის ტიპის გაერთიანებული კატალოგით, რაც უნივერსიტეტს უქმნიდა გარკვეულ პრობლემებს. კატალოგის ადმინისტრატორის მიერ არასწორად განხორციელებული ოპერაციების შესრულების შედეგად ჩანაწერების დაკარგვის ან სხვა წევრთა მიერ ჩანაწერების დაზიანების არაერთი შემთხვევის შემდეგ 2015 წლის მეორე ნახევარში ბიბლიოთეკის ხელმძღვანელობამ გადაწყვიტა, განევითარებინა საკუთარი, ღია წვდომის კატალოგი, რომელიც დაეფუძნებოდა Evergreen 2.10 უახლეს ვერსიას. 2016 წლის დასაწყისიდან აქტიურად მიმდინარეობდა ძველი კატალოგიდან ახალში ჩანაწერების მიგრაციის პროცესი, რაც პარალელურად მოითხოვდა ვერსიის გარჩევას, მისი გაუმჯობესებული ფუნქციების შესწავლასა და დანერგვას. ოთხთვიანი საპილოტე სამუშაოების შემდეგ, მისის შუა რიცხვებიდან მთელმა განყოფილებამ ჩანაწერების შექმნა გააგრძელა უნივერსიტეტის ბაზაზე არსებულ ელექტრონულ კატალოგში.

#### ინტერნეტული საინვენტარო ჟურნალი (ისეჟ)

2016 წლის მეორე ნახევრიდან განყოფილებამ დაიწყო ინტერნეტული საინვენტარო ჟურნალის განვითარება, რომლის წარმოებაც აქამდე ხდებოდა ელექტრონულად, ექსელის გაფართოების დოკუმენტში. განყოფილების სხვა წევრებთან ერთად, პროგრამის განვითარებაში აქტიურად იყვნენ ჩართულები პროგრამისტი და საინვენტარო ჟურნალზე მომუშავე მთავარი სპეციალისტი. გარდა ავტომატურად გენერირებული საინვენტარო ნომრებისა, პროგრამა იძლევა რედაქტირების, სტატისტიკისა და ანგარიშების წარმოების საშუალებას. მოგვიანებით იგეგმება ცირკულაციის მოდულის მიზმაც საინვენტარო ჟურნალისათვის.

ამ დროისათვის ინტერნეტულ საინვენტარო ჟურნალში ასახულია 55 ათასამდე წიგნი, პერიოდული გამოცემა, დისერტაცია, სანოტო ერთეული, CD/DVD და მუსიკალური ფირფიტა.

← → ↻ library.iliauni.edu.ge/journal/index.php

მთავარი ინვენტარის დამატება რედაქტირება სტატისტიკა რეპორტები ცირკულაცია ესე გასუფთავება ინსტრუქცია

მომხმარებელი თამარ ონოფრიძე გაცვლა

ჩანაწერების რაოდენობა **55014**


## ელექტრონული საინვენტარო ჟურნალი

კატალოგში ძიება ავტორი სათაური პარკოდი მომწოდებელი

ძიება საინვენტარო ჟურნალში

ისჟ-ს მიხედვით, ამ დროისათვის დარბაზებში ფონდები განაწილებულია შემდეგი პროპორციით და რაოდენობით:

- ავსტრიული ბიბლიოთეკა – 2143
- აღმოსავლეთმცოდნეობის დარბაზი – 69
- ილიას საცავი – 6191
- ლიტერატურის ოთახი ლიგამუსში – 3241
- ილიას დარბაზი – 11956
- საგრანტო ფონდი – 652
- სულხან-საბა ორბელიანის დარბაზი – 28706



### ილიასა და კვლევითი დარბაზების შეერთება

2016 წლის ზაფხულში განხორციელდა კვლევითი დარბაზის ფონდის დიდი ნაწილის მიგრაცია ახალ სივრცეში - ილიას დარბაზთან არსებულ საცავში, სადაც განთავსდა მხატვრული ლიტერატურის, ფილოსოფიის, ფსიქოლოგიის, ეთიკის, ლოგიკის, ისევე როგორც რელიგიისა და თეოლოგიის მიმართულებების საბიბლიოთეკო ერთეულები. ლიტერატურა ლინგვისტიკისა და ენების მიმართულებით (1400-მდე ერთეული) შეუერთდა სულხან-საბა ორბელიანის დარბაზში განთავსებულ შესატყვის ფონდს. შესაბამისად, მოხდა 7200-მდე წიგნისა და პერიოდული გამოცემის ჩანაწერის აღდგენა, გადახედვა, გარკვეული ველების მიმატება და კორექტირება.

## სულხან-საბა ორბელიანის დარბაზის ფონდის რეინვენტარიზაცია

წლის განმავლობაში გრძელდებოდა სულხან-საბა ორბელიანის დარბაზის რეინვენტარიზაციის, მორალურად და ფიზიკურად მოძველებული, ასევე ჭარბი ეგზემპლარების იდენტიფიცირების პროცესი, რის შედეგადაც ფონდიდან გაირიცხა 33 602 ერთეული. აღნიშნული რაოდენობა მოიცავდა ისეთ მიმართულებებს, როგორცაა ლიტერატურის ისტორია და კრიტიკა, მხატვრული ლიტერატურა რუსულ ენაზე, ლინგვისტიკა და ენათმეცნიერება, მათემატიკა, ფიზიკა, ქიმია და სხვა ზუსტი და საბუნებისმეტყველო დარგები. ფონდიდან საბიბლიოთეკო ერთეულების გარიცხვის კრიტერიუმები შემუშავდა საქართველოს პარლამენტის ეროვნული ბიბლიოთეკის მიერ მომზადებული შესაბამისი დოკუმენტის მიხედვით, რომელიც განსაზღვრავს ჩამოსაწერი საბიბლიოთეკო დოკუმენტების გამოვლენისა და შერჩევის კრიტერიუმებს. ფონდის გადარჩევისა და ელექტრონულ კატალოგში შესაყვანი ერთეულების იდენტიფიცირების პროცესში ჩართული იყვნენ როგორც ბიბლიოთეკის ყველა განყოფილების ხელმძღვანელები და წევრები, ისე ზემოთ ჩამოთვლილი საგნობრივი მიმართულებების შესატყვისი ფაკულტეტების წარმომადგენლები.

## მიმდინარე პროექტები

ამჟამად მიმდინარეობს ილია ჭავჭავაძის უცხო ენათა უნივერსიტეტის ბიბლიოთეკის ფონდის გამომხიროვის პროცესი, ზემოთ აღნიშნული კრიტერიუმების გამოყენებით.

2016 წლის ბოლოს დაიწყო და 2017 წლის პირველ ნახევარში დასრულდება ლიტერატურის ოთახის თაროზე განთავსებული ფონდის შედარება ელექტრონულ კატალოგთან. პროცესის შედეგად მოხდება ჩანაწერების სრულყოფა და საჭიროების შემთხვევაში, დარბაზების და საინვენტარო ნომრების კორექტირება.

## პროფესიული განვითარება

Evergreen 2.10 ვერსიის დანერგვის შემდეგ საჭირო გახდა თანამშრომელთა უნარ-ჩვევების ამაღლება. ამ მიზნით 10-11 მაისს ჩატარდა ორდღიანი ტრენინგი დედოფლისწყაროში, რომელსაც დაესწრო განყოფილების ყველა კატალოგერი, პროგრამისტი და სხვა განყოფილების თანამშრომლები, რათა ერთობლივად განგვეხილა კატალოგის განახლებული ვერსიის თავისებურებები და სამომავლოდ დასანერგი მოდულების სირთულეები.

ოქტომბერში ჩატარდა ერთდღიანი ვორქშოპი, რომლის ჩატარებაც საჭირო გახდა ახალ კატალოგში მუშაობასთან დაკავშირებული სირთულეების გადაჭრისა და დაგროვილი გამოცდილების გაზიარების მიზნით. შეხვედრის შედეგად შემუშავდა ახალი სამუშაო ინსტრუქციები.


6-13 სექტემბერს განყოფილების ხელმძღვანელმა მონაწილეობა მიიღო Erasmus+ ფარგლებში დაგეგმილ ტრენინგში, რომელიც ჩატარდა ლიმერიკის ტექნოლოგიების ინსტიტუტის ბიბლიოთეკაში. გამოცდილების გაზიარების მიზნით განყოფილების თანამშრომლებისათვის ვიზიტის შესახებ მომზადდა პრეზენტაცია.

#### 4. წიგნის სახლი „ლიგამუსი“


##### ფინანსური მხარე

ფინანსურმა აღრიცხვამ გვიჩვენა, რომ შარშანდელ მონაცემებთან შედარებით, 2016 წლის ბრუნვა 16680,96 ლარით ჩამორჩება 2015 წლის ბრუნვას. შესაბამისად, წლიური მოგებაც ნაკლებია და 2016 წლის მოგება უკვე 3739,24 ლარით ჩამორჩება 2015 წლის მოგებას. სხვაობა ძირითადად გამოწვეულია იმ მიზეზით, რომ 2016 წელს მაღაზია სარემონტო სამუშაოების გამო სამი თვის განმავლობაში არ მუშაობდა. თვალსაჩინოებისთვის იხილეთ შემდეგი გრაფიკები.

ბრუნვა 2014 – 2015 -2016 წლებში (თვეების მიხედვით):



მოგება 2014 – 2015 – 2016 წლები (თვეების მიხედვით)



**მოგება 2014 – 2015 – 2016 წლების მიხედვით:**



შენიშვნა: აღნიშნული სტატისტიკა არ მოიცავს 2016 წლის დეკემბრის თვის მონაცემებს სრულად

ბოლო სამი წლის მონაცემით, ყველაზე დიდი მოგება ფიქსირდება 2014 წელს, ხოლო ყველაზე დაბალი მოგება 2016 წელს. თუმცა, თვეების მიხედვით მოგებას თუ დავაკირდებით, დავინახავთ, რომ იანვრის თვეში 2016 წლის მოგება უსწრებს წინა ორი წლის მოგებას, თებერვლის თვეში იგივე მონაცემი 2015 წლისაზე გაცილებით მაღალია და მცირედით ჩამორჩება 2014 წლის მოგებას.


ყველაზე შესამჩნევი სახვაობა არის 2014 წლის მარტის თვეში და 2016 წლის ივლისი, აგვისტო, სექტემბერის თვეებში. 2015 და 2016 წლის მოგება მარტში მცირედით განსხვავდება, თუმცა 2014 წლის მოგებას ბევრად ჩამორჩება. ეს განპირობებულია ფაქტორით: პირველი იმით, რომ 2014 წელს მარტის თვეში გაცილებით მეტი ილიაუნის გამომცემლობის წიგნები გაიყიდა, ვიდრე 2015 და 2016 წლის მარტში. მეორე ის, რომ 2015 წლის 1 იანვრიდან მოქმედებს დიდი ფასდაკლება ილიაუნის გამოცემულ წიგნებზე. რაც შეეხება 2016 წლის ივლისი, აგვისტო, სექტემბერის თვეებში სხვაობას, მოგეხსენებათ, რომ 2016 წელს 1 ივლისიდან 10 ოქტომბრამდე, უნივერსიტეტში მიმდინარე სარემონტო სამუშაოების გამო, მაღაზია იყო დაკეტილი. ზემოთ აღნიშნული სტატისტიკა არ შეიცავს 2016 წლის დეკემბრის მონაცემებს სრულად, თუმცა არსებული მონაცემითაც შეგვიძლია ვთქვათ, რომ მოგება 2015 წლის დეკემბრის თვესთან შედარებით მაღალია.

## წიგნები


2016წლის განმავლობაში, ლიგამუსმა სულ 9001ცალი წიგნი გაყიდა. აქედან7107 ცალი ილიას უნივერსიტეტის მიერ არის გამოცემული, 132 ცალი შესყიდვის ხელშეკრულებით შემოტანილი ინგლისურენოვანი წიგნია, ხოლო 1762 ცალი -სხვა დანარჩენი გამომცემლობების მიერ შემოტანილი.

10 ყველაზე გაყიდვადი წიგნის (ილიას უნივერსიტეტის გამოცემები და სხვადასხვა გამომცემლობები) სტატისტიკა შემდეგ ცხრილშია ასახული:


### ილიაუნის გამოცემები (10 ყველაზე გაყიდვადი წიგნი)



## სხვა გამომცემლობები (10 ყველაზე გაყიდვადი წიგნი):



2016 წელს შესყიდვის ხელშეკრულებით შემოტანილი წიგნების რეალიზაცია და მოგება შედაგენს 2405,07 ლარს (ღირებულება: 1997,99), ხოლო მოგება 407,08 ლარია. შესყიდული წიგნების 2015 და 2016 წლების ნავაჭრი და მოგება ასახულია ქვემოთ დებარე გრაფიკში:



## წიგნის ფესტივალი

2016 წელს წიგნის სახლმა „ლიგამუსმა“ მიიღო მონაწილეობა შემდეგ გამოფენებსა და ფესტივალებზე:

განათლების საერთაშორისო გამოფენა (18 -19 თებერვალი 2016 წელი)


წიგნი და მუსიკა -ფესტივალი (21-24 აპრილი 2016 წელი)

წიგნის 18-ე საერთაშორისო ფესტივალი (26-29 მაისი 2016)


თბილისის წიგნის დღეები (17 -20 ნოემბერი 2016 წელი)

ბოლო სამი წლის ფესტივალებზე ნავაჭრი და მოგება ასე გამოიყურება:

ნავაჭრი 2014-2015-2016 წლები:



მოგება 2014-2015-2016 წლები:



შენიშვნა: აღნიშნული სტატისტიკა არ მოიცავს დეკემბრის თვის მონაცემებს სრულად.

წლებად წელი შარშანდელთან შედარებით ნაკლებად პროდუქტიული აღმოჩნდა. თუ შარშან 8207.95 ლარის წიგნები გაიყიდა (1670 ცალი), წელს გაყიდული წიგნების თანხამ სულ 5895.2ლარი შეადგინა (1052 ცალი). აღნიშნული სხვაობის მიზეზი შესაძლებელია იყოს რამდენიმე: მომხმარებელთა დაბალი აქტივობა; წელს გამოცემული წიგნების მცირე რაოდენობა და ხშირად მოთხოვნად წიგნებზე ფაქტობრივი რაოდენობის არქონა, რაც განპირობებული იყო ტირაჟის ამოწურვით:

რა არის განმანათლებლობა? - ფუკო კანტი

კულტურით უკმაყოფილება - ზიგმუნდ ფროიდი

სასწავლო სააღმზრდელო პროგრამა თბილისის ბაგა ბავშვებისთვის + დანართი

სოციოლოგია - გრეგ კალჰუნი

სულიერების შესახებ ხელოვნებაში - ვასილი კანდინსკი

ადამიანი და ხალხი


ერები და ნაციონალიზმი 1780 წლიდან მითი და რეალობა

ევროპული დემოკრატიები ნაციონალური პოლიტიკური სისტემის შედარებითი მიდგომა

კულტურები და ორგანიზაციები

საჯარო მართვა მოქმედების კურსი

## 2016 წელ ფესტივალებზე ყველაზე გაყიდვადი 10 წიგნი იყო:



## ლიგამუსის ბავშვების ოთახი

ყოველშაბათს, 11:00-დან 13:00 საათამდე, წიგნისსახლში "ლიგამუსი", 5-12 წლამდე ასაკის ბავშვებისთვის ტარდება "ზღაპრის დღე".

შეხვედრების ფარგლებში, ბავშვები ეცნობიან სხვადასხვა მწერლების ლიტერატურას, რომლის მიზანია:

ამაღლოს ბავშვებში წიგნიერების დონე;

დაეხმაროს ზეპირი მეტყველების კულტურის გამომუშავებაში;

ჩამოუყალიბოს დამოუკიდებელი და შემოქმედებითი აზროვნების უნარი;

განუვითაროს კომუნიკაციის უნარები.

წიგნის კითხვის შემდეგ, ერთი საათის განმავლობაში, ბავშვები დაკავებულნი არიან თემატური აქტივობებით (ხატვა, ძერწვა, როლური თამაშები), რომლის მეშვეობითაც მათ უვითარდებათ კრეატიულობა და მოტორიკის უნარ - ჩვევები.

„ზღაპრის დღის“ ფარგლებში 2016 წელს გაიმართა 23 შეხვედრა. ამ შეხვედრების ფარგლებში, საინტერესო აქტივობების გარდა, ბავშვებთან ერთად, წავიკითხეთ 15-მდე მწერლის ნაწარმოებები, ვუყურეთ 8 ანიმაციურ ფილმს, ჩავატარეთ 3 მამტაბური ღონისძიება, რომელიც მიემდგვნა ასტრიდ ლინდგრენის სდაბადების დღეს, აღდგომასა და სეზონის დახურვას.

ილიას სახელმწიფო უნივერსიტეტის წიგნის სახლში "ლიგამუსი", "ზღაპრის დღე" ტარდება უფასოდ და ასაკობრივი ჯგუფის მიუხედავად ღიაა ყველა ბავშვისთვის.